

D. Fritschii Manuale Juris Publ. Joh.
Jacobi Speidelii Speculum observatio-
num, qvod pro continuatione operis
Besoldiani habetur. Item Actorum
publicorum collectores, ut Goldastus in
Politicis imperialibus, Lundorpius in
Actis publicis &c. Plures nominare
hic nihil attinet. Si quis hos evolverit,
& cum viris in aula & legationibus
versatis commercium habuerit, pluriū
lectione carere poterit, præsertim usu
rerum accedente. confer Sam. Rache-
lii Otium Neomagicense, seu introduc-
tionem in Jus Publ. German. & jam
laudati J. G. Sulpicii dissertat. de studio
Jur. Publ. anno 1688. excusam.

SECTIO IV.

CAP. I.

De Studio Philologico.

§. I.

Quidam *Philologiae* studium ita laxe
accipiunt, ut sub illo *Polymathiam*
Dicitur πολυ-

(πολυμάθεσαν) comprehendant. Nos ex trita loquendi consuetudine, per Philologiam denotamus *partim* notitiam sermonis vel lingvarum eruditis usitatarum; *partim* rerum variarum, quae ad literas pertinent, scientiam. Itaque in duas partes *Philologia* dispisci potest; *una* circa artes sermonis formatices, ut Grammaticam, Rhetoricam & Poeticam; *altera* circa historiam omnigenam rei literariae occupatur.

§. 2.

Ars, quae sermonem in quavis lingua formare docet, veteribus *Grammatice* dicitur. Quo nomine non vulgaris illa legendi scribendiique ratio intelligenda est, quae Grammatice rectius dicitur; sed doctior illa loquendi ars, quae stylum perficit ac in sermone censendo occupatur; ut ille sit purus absque stibligine, nihilque habeat βάρβαρον, nihil σόλοικον. Ad quam multa autorum lectio & judicium reqviritur. Et, qui his pollet, Grammaticus, aut criticus vulgo audit.

§. 3.

§. 3.

Ad sermonis cujusque indolem no-scendam, reqviritur tum vocum singu-larum ἐργογεγφία, etymologia & pro-pria significatio. His enim ignoratis, rerum peritiam nemo conseqvetur ac-curatam, aut etiam mentem suam vo-cabulis idoneis alteri recte exponet. Qvia nonnisi per verba, utpote rerum symbola, sensa animi humani exprimi possunt. Atqve hic opus est lexicis vel Commentariis Grammaticis. Qva-les apud Veteres inter Latinos compo-suerunt, Varro de L. L. Verrius Flaccus de verborum significatione, Festus Pompejus, qvi Verrium in Epitomen rede-git, multa simul resecans; Gellius in Noct. Atticis, Priscianus, Cornelius Fron-to & similes. Confer Voss. l. 1. de Arte Grammat. c. V. Scaligerum de causis Latinae Lingvæ. Ex Græcis præcipui sunt nominis, Julius Pollux, Harpocra-tion, Hesychius, Suidas, Autor Etymolo-gici magni, Lexicon Varini Phavorini Camertis &c.

§. 4.

§. 4.

Deinde his cognitis, structura vel *Syntaxis* noscenda est vocum connexarum, qvæ in sermone adhiberi solent: ut illa sit pura & bonis ac probatis autoribus conveniens. Ad hanc vero puritatem dictionis judicandam, non satis est, regulas Grammaticæ didicisse; sed præterea etiam lectione & imitacione scriptorum classicorum opus est. Confer *Gerh. Joh. Vossii de imitatione cum oratoria, tum poëtica libellum.*

§. 5.

Ordo vero hic aliquis tenendus est: ita, ut alii scriptores commendentur pueris, alii adolescentibus, alii denique viris - juvenibus exercitatis: PVERIS post prima Grammaticæ elementa, colloquia familiaria, Æsopi aut Phædri fabulæ, & è Latinis *Terentius*, *Eutropius*, *Cornelius Nepos* vel *Justinus*: ADOLESCENTIBVS *Julius Cæsar*, *Svetonius*, *Cicero*, *Livius*, & ex Poëtis, *Ovidii Metamorphosis* & libri *Tristium*, nec non *Virgilii Poëmata* proponantur.

tur. VIRIS Juvenibus exercitatis ad alios atque alios deveniendum est scriptores, idque eo ordine, ut ultimo elegantur, qui plurimum à felici Augusti ævo recederunt. vid. *Vossii Partitionem Orationis. l. IV. c. 1. §. 61.* & *Tanaquillii Fabri Epistolam ad Claud. Sannium senatorem Parisiens.* quam infra §. 8. subjungemus.

§. 6.

Sed cum Latinæ lingvæ conjungenda sit Græca; similem ordinem & in hujus studijs observare oportet; ut à facilioribus incipientes progrediamur ad difficiliora. Faciliores autem censentur libri N. T. in primis *Evangelium secundum Lucam*, itemque *Acta Apostolica*: deinde *Dialogi* faciliores *Luciani* nihil moribus noxiū habentes: Postea carmina *Pythagoræ*, *Hesiodi*, & *Isochristi* orationes: Tandem *Herodotus*, *Xenophon*, *Thucydides* & *Demosthenes*. *Homerus* ultimo loco legi potest. Sed infra peculiari capite scriptores Græcos recensēbimus. Ceterum in utriusque

D 7

lingvæ

lingvæ studio non sufficit assidua bonorum scriptorum lectio, sed requiritur etiam imitatio, de qua *Sebastianus Foxius Morzilius Hispanensis, Vossius de imitatione l.c. Schefferus de stylo & Gymnasio stylī, seu de vario scribendi Exercitio, Bæclerus in Dissertat. de comparanda Lat. lingvæ facultate, &c.*, qvem primo loco nominare debebam, *Morhofius, vir longe doctissimus, Polyhist. litter. libr. II. c. IX. p. 423. seq. docent.*

§. 7.

Philologi, qui purum latinitatis sermonem commendant, tres scriptorum latinorum ætates constituunt: Primam vocant auream, in qua M. Tullius Cicero primas merito quidem suo fert; cui æquales fuerunt C. Jul. Cæsar, Crisp. Sallustius, Vellejus Paterculus, Cornelius Nepos, Livius, Vitruvius. Ex Poëtis illi annumerantur, Virgilius, Horatius, Catullus, Tibullus, Propertius & Ovidius; Qvi a Syllano tempore ad usque Octavianī Augusti obitum vixere. Unde &

ætas

DE STUDIO PHILOLOGICO. 87

ætas hæc Seculum Augusteum appellari solet. Secunda dicitur argentea, & ab Augusti excessu, ad tempora Antonini Pii imperatoris extenditur. Huc referuntur Cornelius Celsus, medicus celebris, Valerius Maximus, Pomponius Melæ, Geographus, Marcus Seneca, & alter Lucius Seneca, Columella scriptor rei rusticanæ, Plinius Major hist. nat. scriptor, Fabius Quintilianus Rhetor, Q. Curtius, Julius Frontinus, Plinius Secundus, Corn. Tacitus, Svetonius Tranquillus, L. Annaeus Florus, A. Gellius, Justinus historicus. Inter Poëtas, Phædrus, Augusti libertus, fabularum scriptor elegantissimus, Seneca Tragicus, A. Persius Flaccus, M. Annaeus Lucanus, Silius Italicus, Valerius Flaccus, Papinius Statius, Juvenalis & Valerius Martialis, Satyrici. Tertia ætas Latini sermonis appellatur Ærea, in qua primum nominari meretur Apulejus Afer, Philosopher Platonicus, Julius Hyginus, Mythologus, Ulpianus & Papinianus Jcti, Solinus

Solinus Polyhistor; ex Christianis, Tertullianus Afer, Minutius Felix, Cyprianus, Censorinus, Spartianus, Vulcatius Gallicanus, Julius Capitoinus, Aelius Lampridius, Flavius Vopiscus, Trebellius Pollio, (qvos sex scriptores, uno fasciculo conjunctos ediderunt Casaubonus, Salmasius & Schrevelius:) Arnobius Afer, Lactantius, Julius Firmicus, Aurelius Victor. Huc referuntur Panegyristæ, Mamertinus, Nazarius, Eumenius & Latinus Pacatus: it. Eutropius, Sextus Rufus, Ammianus Marcellinus, Macrobius, Vegetius, Aurelius Symmachus, Julius Obsequens, & scriptores Christiani, qui seculo quarto claruerunt. De quibus C. Scioppius consultat. de Scholarum & Studiorum ratione consult. secund. Vossius in prefat. ad Lectorem libr. de vitiis Sermon. Borrichius de variis L. L. etatibus, & clarissimus mihi que amicissimus vir, Christophorus Cellarius, in Prolegomenis curarum posteriorum de Barbarismis & Idiotismis Sermonis latini, legi merentur.

§. 8.

§. 8.

Qui puritati Latinis sermonis student, eos ad imitandū sibi proponant, qui sub prioribus duabus ætatibus maximè fluerunt. Nam elapsis illis temporibus, Latinitas pura varie contaminari, & tandem barbaris gentibus imperium Romanum invadentibus, propemodum exspirare coepit. Qvare pro cūjusque scopo, pauci ex Augusteo seculo ad imitandum eligi merentur; v. g. ad usum sermonis familiaris *Terentius*; ad orationem elaborandam *Cicero*; ad historiæ stylum, *Julius Cæsar* vel *Cornelius Nepos* aut *Livius*; ad artem disputandi, *Cicero de offic. & qvæstion. Tusculan.* Ad poëticum stylum efformandum, *Virgilius & Ovidius*, vel *Claudianus*; ad stylum Epistolarem formandum *Ciceronis* aut *Plinii Secundi Epistolæ*, legantur. Qui vero se scholæ præparant, illi & reliquos supra nominatos scriptores evolvere, (certo tamen ordine servato,) debent. Ast qvibus alia studia excolere propon-

propositum est, pauciores sufficient, ut ad superiorum, quas vocant, Facultatum gradus contendere possint. Universam puerorum & adolescentum in ultraque lingua & Philologia institutionem ostendit *Rolandus Maresinus* in *Epiſt. Phil. P. II. Ep. 29. & 30.* quas, ante hos quatuor annos, recudi hic Lipsiae curavimus.

§. 9.

Studium utriusque linguae bonam nobis primae aetatis partem absumit; quod clara necesse non erat: praesertim in Graecia, ubi lingvam patriam, quae artes omnes, ac Philosophia ipsa tradebatur, pene cum lacte hauriebant; eaque de causa citius ad fastigium eruditioinis & humanae sapientiae enitebantur, quam nos hodie, qui in discenda Latinae linguae studio multos annos insumere solemus. Sed breviori tempore ejus facultatem consequi daretur, si recta & brevior via discentibus ab idoneis monstraretur magistris. Talem prae lauda-

Iaudatus Maresius Epistola XXIX. jam citata. Qva in parte Magistratus etiam cura poscit, cuius autoritate veterum magistrorum methodus docendi emendetur. Vid. Morhofii *Polyhistor.* litt. libr. II. c. 2. Facit huc Epistola Ternagivilli Fabri ad Cl. Sarmvium Senatum Parisiensem anno 1651. exarata, qvæ Sarvianis subjuncta legitur, & ita habet.

Quid causæ sit, Sarmvi clarissime, cur, cum infinita prope puerorum multitudo quotidie literarum professoribus in disciplinam tradatur, tam paucos tamen reperias, qui vel mediocrem aliquam illorum cognitionem post incredibilem & temporis & pecunia jactunum assequantur? Scio esse perquam plurimos, qui præpropem parentum studia, nimiamq; pervicaciam accusent, qui videlicet à Scholarum moderatoribus ea impetrant, qvæ & ipsis damnsa sunt & liberis perniciosa. Ilbi enim admissi in eum ordinem pueri fuerunt, quem sua fibi imbecillitate

cilicite atque imperitia præcluserant,
qvid quæso , aliud par est expectari,
quam certissimam studiorum calamita-
tem? sed alii altius repetentes , totum
hoc negotium πλατωνιώτερον ἔωπεσσιν.
Delectum enim ingeniiorum , rem & pri-
vatim & publicè satutarem , haberivel-
lent ; quod patrum nostrorum memoria
ab egregio scriptore tentatum vidimus ,
irrito conatu . Neque adeò mirum ; iis
enim opus esset principibus , qui ut digni-
tate , ita & sapientia & rerum præclara-
rum cognitione ceteris prestarent homi-
nibus . Quamobrem hujusmodi delectum
optes facilis , quam habeas . Alii verò
superciliosi , sed timidiiores paullò atque
inertiores , corruptos seculi mores que-
runtur , veteris disciplinae neglectum de-
plorant . Alii porrò corruisse literarum
studia prædicant , quod illi , quibus impe-
ria & Respubl. administrantur , has ar-
tes fere plerumque aspernantur . Verum
si malum adeo multiplex & varium
scrutari lubeat , ejusque causas omnes in-
vesti-

vestigare paremus, tempus nos, uti existimo, quam res, maturius deseret. Quid enim quæso de indiligentia atque imperitia plororumque omnium dicere debemus, quos erudiendæ puerorum atque adolescentum ætati præesse videmus? Quam paucos reperias, qui literas recte atque liberaliter tractent? Quid, quod eorum plerique nihil aliud sibi videntur querere, quam ut in consultis possint gratificari parentibus? Quid quod viam illam planè ignorant, quia majores nostros ad æternæ famæ claritudinem pervenisse videmus? Quænam illa sit fortassis roges, vir clarissime; nulla certè alia, quam veterum scriptorum accurata lectio. Ea Budæos, & Scaligeros: Ea Turnebos, Passeratios & tot ingentia nomina editit; Et absque ea sit, malim eqvidem, liberos meos opiliones esse, & merum rus, quam iis literis dare operam, quas hodie doceri videmus. Itaque adeò, si mihi sententiæ jus in re tam gravis momenti esset, sic censerem: Debere

1805

nos a fabellis seu Apologis auspicari, statim atque primulis lingvæ Latinæ Elementis informati pueri sint; cœperintq; sentire, quid sit compositio; idque dico sapientissimorum virorum, totiusque antiquitatis auctoritate adductus. Ea autem refert maxime, ut teneros puerorum mores & adhuc εὐαγγελία mollire & subigere queas facilius: idque ubi rite factum fuerit, & virtutis in iis quædam σκιαγραφία cœperit apparere, tum porrò pergendum erit alacrius, neque in his fabellis amplius immorandum, sed exemplis eæ crunt confirmanda atq; illustranda, quæ legendis Apologis fuerunt tradita. Id autem, uti opinor, perfici non potest commodius, quam si brevissimos quosque historicos perlegemus, eosque potissimum, qui res a primis Gracie & urbis Romanae temporibus perscripserūt. Et quoniam absque Terrarum, Maris, Montium Fluminumque descriptione, non est, ut quisquam ad veterum librorum, quibus omnis liberalis scientia atq; huma-

humanitas continetur, cognitionem possit pervenire; maximum ope & pretium fore judico, si scriptor aliquis pueris tradatur, qui illa omnia, si minus eius τὸ λεπτομερὲς καὶ διὰνθεῖας, ἀλλὰ τύπωγε, ut ajunt, doceat. Ea autem omnia, quinam e veteribus præstuerint rectius, quam Phædrus, Apollodorus, Eutropius, Cornelius Nepos & Pomponius Mela? Qui libelli inini unius anni curriculum, si qua modo adhibita diligentia fuerit, nullo poterunt negotio perlegi.

Quod ubi effectum fuerit, quam lætæ segetis spes in annum sequentem erit? Quam facile fuerit, Sallustium, Svetonium, Ovidii Metamorphosin & Fastos legere tam feliciter institutis. Tertio autem anno, quis, nisi inertissimus, neget legi perquam facile posse, Tercentium, Virgilium, Horatium? Tam id evidem scio perfici posse, quam me scio vivere; re enim ipsa expertus dico: qui amicis aliquot anno superiori per hibernos Ὀμηρίδας Terentium, Horatium, Lucretium,

tium, Juvenalemque iterata lectione explicav. rim; cum tamen à literarum humiorum cognitione & illa ~~deceptio~~ deicta, quam in primo & seqventi anno constitutimus, essent imparati; ideoque longe plus temporis in explicatione ponendum fuisse vides, vir clariss. ac multo plura legi potuisse, si ipsis ea adfuerint subsidia, quae primis annis sibi parare debuerant. Tot igitur & tanta si intra triennium absoluta fuerint, quis anno sequenti Ciceronem atque Homerum non facile legerit? Nisi quod (vera enim fati cum summo nostro dolore necesse est) ubi ad eam studiorum partem ventum est, quam vulgus (jam dudum enim vena rerum vocabula amisimus) Philosophia vocare solet, grave piaculum esse dicunt Magistri, libros meliores primo tantum digitulo attingi a discipulis; Quorsum enim inquit, Philosophia majestatem, puerilium literarum nugis & Grammaticae quisq; viliis (videlicet libri principes quisq; viliæ sunt) attaminari deceat?

Recte

DE STUDIO PHILOLOGICO. 97

Recte sane, & ut in illo hominum genere
dignum est, qui postquam insulam bar-
bariem bene ac fideliter combiberunt,
novi repente Thaletes prodeunt. Quidni
enim? postquam per integrum biennium
ea didicerunt, quae sibi comparaverant;
gypsati & palliolati in publicum proce-
dunt, utique tria aut quatuor dūsūce
ρημάτω, postquam vix atque agrè bal-
butierunt, librorum eis omnium arcana
ex templo reseruantur, illarumq; omniura
artium, quae libero homine dignæ sunt,
profundarum facultas datur. Atque
utinam tam eis facile esset doctis fieri,
quam imprudentibus licet. Næ illa
μαμπανς θων εὐφορία non esset, quam
hodie passim videmus; tot pulpitorum
crepitacula occurrunt, tot mundi cymba-
la, tot seculi incommoda, tot pestes au-
rium. Hinc itaque est, quod cum certo-
rum fortasse hominum offensione dicere
soleo (τί γδ ἀνεγένεται τεργωθεῖσι τεργον,
ἢ αληθεύεται;) dicere, inquam, soleo,
clarissime Sernavi, ita comparatum esse

E

totum

totum illud studiorum genus, ut qvo quis-
qve in eo perfectior est atqve consumma-
tior, eo sit incommodior omnibus atqve
molestior. At utinam Patrum nostro-
rum, qvi fædam hanc & inhumanam
studiorum rationem mutare tam feliciter
tentaverant, vestigiis insisteremus! Haud
dubium quidem est, qvin deterso situ &
squalore humaniores literæ excitarētur;
Et Nobilitas nostra illarum ornamenta
& cultum tam quæreret studiose, qvam
hodie obstinate aspernatur. Neqve sane
injuria; iis enim literis, qvæ hodie tra-
duntur, qvid qvæso, agrestius, qvid mi-
nus utile? Quid dediscendum maturius,
si tibi cum viris liberali præditis ingenio
sit agendum? verum nescio, qvomodo
altius processi & liberius paullo, dum me-
tant & corruptela piget pudetqve; cui re-
medium si poterit unquam fieri, vel ea
& ratione fiat necesse est, qvam modò
commemorabam, vel nulla, &c.

§. IO.

Referunt huc aliqui etiam Criticam,
cujus

cujs officium est, libros castigare, mendas, qvæ inoleverunt, tollere, eosque integratati suæ restituere. Nam multi codices veterum scriptorum partim librariorum ignorantia aut incuria, partim blattis & tineis arrosi aut carie, in profunda monachorum barbarie corrupti fuerunt. Hos ergo a mendis purgare & corriger munus critici est. Qvod, cum præter variam & multipli-
cem doctrinam, judicium & acumen
mentis haud vulgare reqvirat, nos lau-
datum Rolandum Maresium Epist. Phi-
lolog. libr. 1. Epist. 17. secuti, nolumus
svadere, ut adolescentes huic studio in-
cumbant; ne tempus, qvod aliis studiis
& qvidem magis utilibus debetur, per-
dant. Præsertim cum post depulsam
barbariem, a duobus seculis in omni
scientiarum genere, libri satis egregie
emendati prodierint; ut nihil deside-
retur, qvam ut ita typis exscripti, no-
cturna diurnaque manu, ab adolescen-
tibus humanitatis Studiosis evolvan-

E 2 tur.

tur. Abusum Critics Poiretus l. III.
de Erudit. p. 336. seqv. recte notavit.
Faciunt sane id critici, inquit, quando
divinis operibus tum naturalibus, tum
supernaturalibus susqve deqve habitis &
neglectis, cassa, vanaque qvorundam
opera præponunt. In quibus ubi progres-
sus illos suos plusculum extendisse viden-
tur, tum vero rem maximimomenti sese
præstitisse sibi persuadent, atqve imagi-
nariis suis thesauris triumphant. Conf.
tamen, si placet, *Thesauro Criticum*
Gruteri, Francof. 1602. publicatum, &
C. Barthii Adversaria.

CAP. II.

De Altera parte Philologiae,
qvæ dicitur Historica.

§. I.

Historicen ab historia differre, *Vossius* de arte Hist. cap. IV. docuit.
Illa est ars, qvæ historiam scribere do-
cet: *Hec est rei gestæ expositio*. Vel
ut laudatus *Vossius* definit: *Cognitio re-*

RHWZ

DE ALT. PARTE PHIL. HIST. 101

rum singularium, quarum memoriam
conseruari utile sit ad bene beateque vi-
vendum.

§. 2.

Nos hic ita laxe accipimus historia-
rum studium, ut sub eo nomine etiam
antiquitates, ritus, gentium mores ac
jus antiquum complectamur. Quid
& fabularum notitia hoc referri potest;
quae ad similitudinem historiae fingi &
narrari solent. Quemadmodum &
verae historiae sub involucris fabularum,
quae Romanenses audiunt, describun-
tur. v. Huetii libr. de Fabulis Romanens.

§. 3.

Historia quae generis vicem quasi su-
stinet, ratione materiae, quam tractat,
dividitur in *Sacram, civilem, naturalem*
& *litterariam*.

§. 4.

Sacra, iterum vel est *divina* sive *divi-*
nitus inspirata; ut, quam Moses, Pro-
phetæ, Evangelistæ & Apostoli exara-
runt; vel *humana*, quæ de rebus Eccle-
siæ

sæ a viris Ecclesiasticis perscripta est, ac ratione argumenti in *Judaicam & Christianam* dispescitur. Illa ex Josepho & Philone; hæc ex scriptoribus Christianis, quos alibi recensuimus, peti potest.

§. 5.

Historia civilis ab argumento, quod tractat, cognominatur. Hanc Baconus de Verulamio distingvit in *Antiquitates, memorias & justam historiam*, quam alii *pragmaticam* appellant.

§. 6.

Antiquitates sunt reliquiæ antiqui temporis, aut fragmenta, ut fasti, tituli, monumenta, numismata, nomina propria, proverbia &c. Huc pertinent scriptores rei nummariae, & qui inscriptiones veterum Græcorum & Romanorum præcipue collegerunt. Illos ex illustris viri Dn. Ezech. Spanhemii libro *elegantissimo de Præstantia & usu Numismatum Antiquorum*; hos ex Gruteri, Reinesii & aliorum inscriptiōnibus cognoscere licet. *Memoriae* sunt delineatae.

delineamenta historiæ legitimæ ; ut epitomæ & commentarii, qvibus actiones & res gestæ cum eventu breviter traduntur, omissis occasionibus, consiliis, orationibus ac similibus.

§. 7.

Justa historia civilis, qvæ & pragmatica audit, in expositione rerum, addit personarum characterem, consiliorum rationes & causas, prætextus, imperii arcana & eventus. Talem Thucydides, Livius, Sallustius, Cornelius Tacitus; ex recentioribus Gvinciardinus, Sleidanus, Tbuanus & Pufendorfius condiderunt.

§. 8.

A qua non multum differunt *Annales*, qvi portionem temporis complectuntur, qvorum exemplum Tacitus dedit; Vitæ illustrium virorum, quales Plutarchus exhibet; item Relationes actionum singularium, sed illustrium, v. g. Expeditio Cyri a Xenophonte descripta; & similes in recenti historia passim obviae.

E 4

§. 9.

§. 9.

Historia naturalis naturas rerum ea-
rumque vires, operationes & effecta
exponit; ut *Aristoteles de Natura Ani-
malium*, *Theophrastus de Plantis*, *Pli-
nius* in *historia naturali*, de variis cor-
porum naturalium virtutibus & effe-
ctis; ex recentioribus *Gesnerus de Ani-
malibus*, *Bochartus in Hierozoico*, &
alii, qvos alio in loco tetigimus.

§. 10.

Historia litteraria, de viris doctis, eo-
rum placitis, sectis, scriptis, artium &
scientiarum ortu, progressu, incremen-
tis & decrementis agit. Talem, Laërti-
us teite, *Xenophon* primum scripsit, sed
qvae non amplius extat. Extant vero
*Diogenes Laërtius & Eunapius de vit.
Philosoph.* *Philostratus Lemnius de vita
Tyanæi*, *Hesychius Illustris*, *Suidas*. E
Latinis *Cicero de claris Oratoribus*, *Sve-
tonius de illustrib. Grammaticis, Rhe-
toribus & aliquot Poëtis*. E junioribus
huc pertinent *Polydorus Virgilius*, *Li-
lius*

DE ALT. PARTE PHIL. HIST. 105

lius Gyraldus de Poëtis; Vossius de Histò-
ricis & Poëtis Græcis & Latinis: Borri-
chius de Poëtis, Georgius Hornius in
Hist. Philosoph. Vossius de Sectis Philo-
soph. Confer Morhof I laudati Polyhist.
lit. l. i. c. 2. § 16.

§. II.

Huc referri possunt, qvi de illustri-
bus Ecclesiæ viris scripsere; ut Hiero-
nymus, Gennadius Masiliensis, Isidorus
Hispalensis, Hildephonsus Toletanus, Si-
gebertus, Honorius Augustodunensis, &
Henricus de Gandavo; Ex recentiori-
bus, Bellarminus de Scriptor. Eccles.
Possevinus in Biblioth. Philipp. Labbeus
& alii, qvos in Historia Ecclesiast. alle-
gavimus. Imo pertinent huc etiam Bi-
bliothecarum & vitarum eruditorum
virorum scriptores; ut Gesnerus, Sim-
lerus, Schottus, Draudius, Nic. Antonius,
Trithemius, Pantaleo, Melchior Adami,
Georgius Matthias Koenigius, cl. Witte,
qvi de vitis Theologorum, Jutorum &
Philosophorum libros edidere; & nun-

E s qvam

qvam sine laude nominandus Morbo-
fius in Polyhistor. libr. 1. c. 16. 17. 18. 19.

§. 12.

Verum anteqvam progrediar, de or-
dine & usu historiæ qvædam etiam an-
notanda veniunt. Qvod igitur ordi-
nem attinet, auspicandum est a com-
pendio, qvod tum notitiam generalem
rerum, tum seriem earum & connexio-
nem tradit. Tale est Sulpitii Severi,
Sleidani de IV. Monarchiis, Besoldi syn-
opsis, Chr. Cellarii Histor. Antiq. & si-
milium scriptorum, qvi epitomas vel
tabulas historiarum reliquerunt.

§. 13.

Verum, ut in omni re gesta, de qua-
tuor potissimum circumstantiis qværi
solet: *Qvando*, & ubi hoc vel illud fa-
ctum? *Qvis* egerit? & tandem, *qvale*
negotium sit, qvod describitur? appareat
ex aliis doctrinis, hic velut subsidia hi-
storiæ legendæ peti debere. Illæ vero
sunt *Chronologica*, tempus rei gestæ de-
finiens; *Geographica*, locum delineans;

Genea-

Genealogica, personas describens; &
Philosophia civilis, qualitatem rei gestæ,
ex fundamentis ethicis & politicis de-
terminans. Operæ igitur pretium fue-
rit, de his qvatuor doctrinis, historiæ
velut subsidiariis, qvædam inserere.

CAP. III.

De Temporum divisione in
Historia utili.

§. I.

Temporum divisio, qvæ ad ordinan-
dam historiæ lectionem admo-
dum necessaria, apud scriptores *varia*
est. Poëtas omne mundi tempus in
qvatuor secula dividere, notum est.
Primum vocant *aureum Seculum*, qvod
cum mundi exordio cœpit, & usqve ad
Saturnum regno exactum duravit.
Christiani id de felicitate *Protoplasto-*
rum in *Paradiso* interpretantur. *Se-*
cundum dicitur *Seculum argenteum*,
qvod cum Saturno exacto incipit, &
usqve ad *Jovem Belum*, h. e. *Nimro-*

E 6

dum

dum porrigitur, qvo agriculturam & artes omnes inventas fuisse, ajunt. Qvod Christiani ex cap. IV. Gen. petitum fuisse putant. Tertium appellatur *aneum*, qvod a Jove Belo, hoc est, Nimrodo, ad annum usqve primum redditus Heraclidarum, computant. Christiani fictionis ansam ex cap. X. Genes. sumtam esse arbitrantur. Quartum ipsis audit ferreum, qvod a reditu Heraclidarum in Peloponnesum, usqve ad tempora, qvibus illi vixerent, duravit.

§. 2.

Varro, missis Poëtarum fabulis, omne ævum divisit in tria tempora: (1) in ἄδηλον, obscurum, qvod cum mundi primordiis incipit, & ad diluvium Ogygium in Græcia notum, porrigitur. Dicitur obscurum, qvia nihil eorum, qværum acta sunt, a profanis scriptoribus annotatum legitur. (2) In μυθικὸν seu fabulare, qvod a diluvio Ogygis, regis Thebanarum, coepit & ad primam usqve Olympiadem duravit. Nomen inde

de sortitum est, qvod fabulis tum omnia involuta essent. (3) *isoechov*, cum pti-ma Olympiade coepit, h. e. tempore A-zariæ regis Judæ, CCV. Annis a morte Salomonis, qvod tempora conseqven-tia complectitur.

S. 3.

*Alia divisio temporum mundi ex Thalmude adfertur, quam Eliæ, non Thesbitæ, sed Rabbino cuidam, qui tempore templi secundi vixerit, tribu-unt. Is cum mundum sex mille annos duraturum credidisset, tres periodos ve-lut vaticinans, fecit. Bis mille annis (dixit) *inane*: Bis mille annis *lex*: Bis mille annis *tempus Messiae*. Vaticinii hu-jus interpretationem *Matthæus Dresse-rus Isagog. Histor. part. 1. p. 4. & 5.* ex-hibet. Nos illam, ceu allegorica ratio-ne de sextiduo, quo mundus a Deo crea-tus est, nitentem, hic missam facimus.*

S. 4.

Imo, omissis etiam aliis tempora di-stingvendi rationibus, ductu sacræ hi-

E 7

storiæ,

istoriae, primum omne ævum, ab orbe condito, dispescere malumus in *etatem antediluvianam*, & *postdiluvianam*: ILLA ab initio mundi, ad finem diluvii universalis, 1656. annos complectitur. Qui per decem Patriarcharum antediluvianorum ætates, quando primum facti sunt patres, ex cap. V. Genes. in hunc modum computari possunt:

1	Adamo quando vixerat annos 130. natus est Seth,	130
2	Sethus annum agens circiter 65. filium genuit Enos,	235
3	Enos anno agenti 90. natus est Kainan,	325
4	Kainani annum agenti 70. na- tus est Mahalaleel,	395
5	Mahalaleeli, anno ætatis suæ 65. natus est Jared,	460
6	Jaredo anno ætatis suæ 162. natus est Enoch,	622
7	Enochus annum agens 65. fi- lium genuit Mathusalah,	687
8	Mathu-	

DE TEMP. DIVIS. IN HIST. III

8	Mathusalacho anno ætatis 187. natus est Lamech,	874
9	Lamecho annum agenti 182 natus est Noah,	1056
10	Noachus agens ætatis annū 500. genuit Sem, Ham & Japheth, - - -	1556

Cum Noah annum ætatis
600. exegisset, ineunte
anno 601. primo anni na-
turalis mense, Genes. VIII.
13. aquæ diluvii, post quā
supra unum annum du-
rasset, exsiccabantur.

Quæ Is. Vossius de ætate mundi ante-
diluviani, ex autoritate LXX. interpre-
tum, in Chronologia sua sacra tradit,
G. Hornius, in *Dissert. de ætate mundi*,
& alii diluerunt.

§. 5.

Ætas postdiluviana iterum in duas
epochas, seu periodos majores distingvi
potest. Una est a fine diluvii, usque ad
nativitatem Christi: altera a nato Chri-
sto,

sto, usqve ad præsentem annum. Ultra-
qve ordinis ac memorie causa, in alias
minores epochas, seu periodos dispesci
potest; ut secundum illas, res in orbe
gestæ ordinari vel disponi qveant.

§. 6.

*Prior illa, qvæ a fine diluvii, ad Chri-
stum natum computatur, octo continet
minores epochas, seu intervalla insi-
gniora numerandi annos. Prima, a
fine diluvii incipit, ac ad natalem Isaaci
hæredis Abrahamo promissi porrigitur,
continens 452. annos; qvi ex cap.
XI. Genes. per decem ætates Patriarcha-
rum postdiluvianorum, qvando patres
facti sunt, eo modo, qvem Thomas Ly-
diat, in Canonibus Chronolog. can. 2. de-
monstrat, numerantur.*

§. 7.

*Secunda, à natali Isaaci, ad Israelita-
rum exitum ex Ægypto computata, an-
nos 400. complectitur. Qvod con-
firmatur ex ipsius Dei verbis ad Abra-
hamum Gen. XV. 13. & Act. VII. 6. di-
centis,*

centis, sermen illius (quod in Isaaco vocabitur, *Genes. XXI. 12. & Rom. IX. 7.*) peregrinum fore in terra non sua, per tot annos servituti afflictionibusq; obnoxium. Huc spectant historiæ de Isaco, Jacobo, Josepho & Mose.

§. 8.

Tertia epocha, ab Israëlitarum exitu ex Ægypto, ad templum Dei Hierosolymæ a R. Salomone fundatum, annos completos 479. numerat: qui libr. 1. Reg. c. VI. v. 1. designantur. Pertinent huc res *Judicum* & *Regum Saulis, Davidis & Salomonis.*

§. 9.

Quarta, a primis templi Salomonei fundamentis j. c. tis incipit, ac ad initium Monarchiæ Babyloniacæ extenditur: Qvod intervallum est 413. annorum: qui computandi sunt secundum annos regum Judæ posteriorum Davidis, prout in duobus libris *Regum*, & secundo Chronicorum designati extant. Hunc modum computandi *Eusebius* & *Hieronymus*

nymus in Chronicis secuti sunt : nisi quod secundum LXX. interpretes, Athaliae unum annum, Josiae itidem alterum , & Ammoni decem attribuunt plures, quam codices Hebræi.

§. 10.

Quinta, cum Monarchia Babylonica, seu imperio absoluto Nebucadnezaris incipit, & ad initum Cyri regimen porrigitur, continens LXX. annos, qui *Jerem. c. XXV. v. 11. & 12. & c. XXIX. v. 10.* exprimuntur. Pertinent huc res Nebucadnezaris & successorum ejus, cum historia captivitatis Judæorum.

§. II.

Sexta, a Monarchia Persica, quæ cum Cyri dominatu incipit, & ad Darii Codomanni ultimi hujus monarchiæ regis cædem, & Babylonem ab Alexandro M. captam, annos 204. numerat. Sunt quidem inter Theologos & Chronologos, qui, dum ab imperii Cyri exordio, ad mortem & resurrectionem Christi, veri Messiae, 490. naturales annos (h. c. LXX.

e. LXX. annorum septimanás) numerant, Monarchiam Persicam tantum 130. annos durasse existimant. Enimvero hunc nodum erudite solvit jam dictus *Lydiatus Can. Chron. VII. p. 27.* seqq. Huc spectant res Cyri, Cambysis, Magni (qvem *Herodotus* Smerdin vocat) Darii Hystaspidæ, Xerxis, Artaxerxis Longimani, Xerxis secundi, Sogdiani, Datii Ochi sive Nothi, Artaxerxis Mnemonis, & Darii Codomanni ab Alexandro M. vieti & exuti regno.

§. 12.

Septima cum imperio Macedonico, sive Græco inchoatur, annosqve 282. complectitur: qvi ab occupata per Alexandrum M. Babylone, in olympiadis 112. medio incipiunt; ubi Calippus Astronomus suæ 76. annorum periodi, epocham Ptolomæi Almagesto sæpe memoratam posuit; qvæ finitum cum victoria Pharsalica, qvam Julius Cæsar Olympiade 183. ineunte, contra Pompejum obtinuit. Huc pertinent res Alexan-

Alexandri M. Ptolomæi, qvi Lagi filius dicitur, Ptolomæi Philadelphi, Ptolomæi Evergetæ, Ptolomæi Philopatoris, Ptolomæi Epiphanis, Ptolomæi Philometoris, Ptolomæi Evergetis secundi, qvi alias Phiscon appellatur, Ptolomæi Soteris sive Lathyri, Ptolomæi Dionysii, alias Auletæ dicti, Ptolomæi Minoris Cleopatræ fratris; & res Romanorum ante conditam monarchiam Romanam.

§. 13.

Ottava incipit cum fundamentis monarchiæ a Julio Cæsare, post devictum Pompejum, iactis; & si ponas Julium Cæsarem fere annos IV. regnasse, & Christum anno imperii Augusti Cæsaris XLI. quo Ælius Lamia & Servilius Geminus erant consules, natum; complectitur 45. annos.

§. 14.

ALTERA jam sequitur EPOCHA MAJOR vel *Æra nativitatis Christi*, qvæ & ipsa in plures periodos minores scinditur,

ditur, annosqve 1690. complectitur.

§. 15.

Prima hujus periodus est a Christo nato, ad Constantini M. Imperium firmatum: qvæ tria priora Christianismi secula continet, qvibus religio Christiana longe lateqve propagata & infestata fuit. Constantinus M. ad Christianam religionem conversus, multum immutavit faciem Romani imperii, Constantinopoli præsertim tanquam nova & altera Roma ædificata, sedeqve imperii ibi constituta. Qvæ res majestatem Romæ veteris paulatim imminuit, donec interventientibus Gothicis invasionibus, in Augustulo denique imperium occidentale, anno Christi 475. extinctum est.

§. 16.

Secunda, quæ ab obitu Constantini M. ad divisionem imperii Romani a Theodosio M. factam, annos numerat, quartum fere seculum a Christo nato, comple.

§. 17.

§. 17.

Tertia periodus, cum imperio inter Arcadium Orientis, & Honorium occidentis Imperatores diviso incipit, ac usque ad Momyllum Augustulum, in quo imperium occidentis desit, porrigitur, annos circiter 80. complectens. Post memoratam illam divisionem, barbaris gentibus imperii provincias invadentibus, ipsa Roma anno Christi 410. per Alaricum Gothorum, & anno 455. per Gensericum Vandalorum Regem expugnata & direpta fuit.

§. 18.

Quarta, a Momyllo Augustulo inchoatur, & usque ad Carolum M. imperii in occidente instauratorem extenditur. Qvod intervallum 325. annorum est, qvi simul cum praecedentibus collecti efficiunt 800. annos. Hoc intervallo imperium occidentis vacavit. Licet enim aliqui nomen imperii conarentur recipere; fluxa tamen & improspera conata fuerunt. Interim seculo VII.

VII. nondum adulto, Mahometica se-
cta, humeris Saracenorum proiecta in-
valuit, qvæ imperatorum orientalium
vim subinde labefactavit, donec seculo
XV. medio, Constantinopoli expugna-
ta, imperium Romanum plane extin-
gveret.

§. 19.

Qvinta, cum Caroli M. Imperio in-
cipit, ac ad Henrici Aucupis, qvi post
Carolingorum ævum, anno circiter
920. in Germania rerum potitus est,
porrigitur. Sub hac Epochæ, magna
rerum conversio in occidentis imperio
contigit, imperio ad Germanos trans-
lato. De qva translatione peculiares
libri extant. v. *Politica Imperialia Gol-*
dasti.

§. 20.

Sexta, ab Henrici Aucupis regno, ad
Rudolphi Habsburgici tempora, qvi
post magnum illud interregnum, anno
post natum Christum 1273. electus fuit
imperator, annos numerat. Incidit in
hanc

hanc periodum Pontificis Romani Monarchia seculo XI. ad fastigium perducta, qva Cæsarum potestas valde infracta fuit. V. Goldasti Monarch. imperii Rom.

§. 21.

Septima, incipit a Rudolpho Habsburgico, Serenissimæ domus Austriacæ fundatore, & ad annum præsentem, qvo Leopoldus, Imperator Augustissimus, regnat, extenditur. Qui plura de characteribus & Canonibus Chronologicis, in historia oppido necessariis, nosse avet, Scaligeri, Petavii, Calvinii, Thomæ Lydiati & aliorum scripta Chronologica evolvat ; qvorum sententias inter se dissidentes hic compondere, nostri instituti non est. Inter compendia, Petavii *Rationarium Temporum*, & D. Ægid. Strauchi *Breviarium Chronologicum* legi merentur, qvæ characteres & canones temporum, cum in sacra, tum profana historia cognitu utiles, abunde explicant.

CAP.

CAP. IV.

De Geographiæ in historia
usu.

§. 1.

Geographiæ usum in historia reqvi-
rit rerum gestarum circumstantia:
nam de qvavis re, vel primum, *ubi gesta*
fit, qvar ei solet. Hinc Cicero *l. 2. de O-*
nat. in historia regionum descriptio-
nem consideremus ait. Imo *Aristote-*
les I. Rhetor. lectionem *Geographo-*
rum ad τὴν νομοθετικὴν, ad legum ferend
darum peritiam, valde conducere affir-
mat. Qvia illi leges gentium & mores
annotare solent, qvod Strabo in primis
fecit.

§. 2.

Geographia autem globum terra-
queum describit, in quo res hominum
olim gestæ sunt, & adhuc geruntur ho-
die. Igitur partium orbis, & in hoc
regionum, insularum & marium deli-
neatio perlustranda est in chartis, qvæ

F

Geo-

Geographiae appellantur: ut, ubi urbes & regna condita, qvi illorum fines, qvæ vicinæ gentes, qvæ bella hic aut ibi gesta, rectius nosci queat.

§. 3.

Sed ut historia in antiquam, medium, & novam distingvi solet; ita & *Geographia* vel *antiqua*, vel *media*, vel *nova* est. Antiqua & nova a viris doctis sat exulta atque chartis illustrata fuit. *Media* vero propter literarum barbariem, per gentium barbararum bella inventam, neglecta hactenus, magis excoli desiderat.

§. 4.

Antiquam *Strabo*, *Ptolomeus*, *Pomponius Mela*, *Plinius* in *Hist. Naturali*, *C. Julius Solinus* in *Polyhistore*, præcipue illustrarunt. Qvibus ex recentioribus *G. Hornium* in *Geograph. Antiqua*, *Salmasium* in *Exercit. Plin. Samuelem* *Bochartum* in *Phaleg*, & *Christianum Adrichomium* in *Theatro Terræ S. jungas*, qvi historiæ sacræ vel Judaicæ cōgnosc-

gnoscendæ præcipue inservit. Merentur etiam *Periplus Scylacis Caryandensis* cum tralatione & castigationibus *Isaaci Vossii*, *Stephanus de Urbibus* cum *Thomæ de Pinedo Lusitani observationibus*, & *Pausanias in Descriptione Græciae* evolvi.

S. 5.

In *nova* vel *recentiori Geographia* multi, tum qvi in compendio, tum qvi in systemate orbem descripserunt, nominari possent. Sed tironi, vel *Claveri*, *Bertii*, vel *Abrah. Gœlnizii* & *Clar. Christ. Cellarii nostri compendia Geographica* jam scholis nota, sufficere possunt, chartis simul in eorum lectione *Geographicis adhibitis*. Systematum *Geographicorum recentes scriptores*, in primis qvi *Hydrographiam illustrarunt*, celeberrimus *Bemmamus in Hist. Orbis Terrarum Geographica & civili* recensuit, qvos inde repetere, jam supersedemus.

CAP. V.
De Vsu doctrinæ Genealo-
gicæ in Historia.

§. 1.

Notitia Genealogiæ, qvæ persona-
rum & familiarum illustrium de-
lineationem continet, ideo in historia
utilitatem præstat haut contemnendā;
qvia in ea subinde qværi solet; *quis ege-
rit? unde fatus, aut quæ gente & domo
prognatus?* itaqve tum in antiquæ, tum
recentis maxime historiæ lectione, ge-
nealogica peritia reqviritur.

§. 2.

Hinc in sacra, & qvidem Mosaica
historia antiquissima, magna accuratio-
ne, Patrum antediluvianorum & post-
diluvianorum stemmata annotata legi-
mus: ita, ut si absqve illa foret, generis
humani propagationem cum ignarissi-
mis sciremus. Mosis divini scriptoris
exemplo deinde Judæi excitati, genea-
logias ad servandam familiarum me-
moriam

moriā contexere coeperunt. Qvas in templi Hierosolymitani archivis, majoris fidei & securitatis causa, deposuerunt. Esdras etiam ipse familias claras Judæorum sollicite in libro Nehemiac consignavit. Sed Herodes, Antipatris filius, qvi cum esset gente dumæus, familia minus illustri ortus; ne obscuritas natalium objiceretur, omnia illustrium familiarum monumenta igne consumxit. V. Seldenum de Success. Pontif. Ebr. I. 2. c. 3. Qvanquam alii ea abrogasse illum ferunt, ut liberum sibi foret, qvem vellet cunqve ad summum sacerdotium evehere. Nam ut Josephus l. i. adversus Apionem, & l. XII. Antiqu. c. 8. memorat, oportebat talem matre Ebræa natum esse. Verum cum postea Judæi domestica documenta familiarum, qvæ suspectæ erant fidei, sollicite asservarent, ac tempore S. Pauli Apostoli de iis inter se contenderent, ipse in l. Epistola ad Timotheum c. I. 4. studiū hoc, ceu Christianis inutile, reprehendit.

F 3 . §. 3.

§. 3.

Græcos & Romanos, non minori cura in scrutandis familiarum celebriū originibus fuisse, cum ex *Pausania in Corinthiacis*, & *Suida*, *Pollione*, (qui genealogiam eorum, qui bello ad Trojam interfuerent, descripsit) tum ex *Varrone*, qui de familiis Romanorum egit, eruditis ignotum esse nequit. Hanc superiori ævo velut æmulatus *Richardus Steinius*, L. Baro Schwarzenavius, Romanarum familiarum antiquarum illustrium stemmata, in tabulis breviter ~~re~~censuit.

§. 4.

Cum seculo abhinc proximo historiarum studium, ex profunda barbarie, perruptis quasi monasteriorum claustris, in lucem emersisset; studium quoque genealogicum, laudabili industria excoli a Germanis præcipue cœptum est. Nam *Reinerus Reineccius* non tantum in *historia Julia*, antiquorum Regum ac heroum stirpes in historia vete-

xi

ri memoratas recensuit : sed Hieronymus Henninges, Lunenburgensis, vastum opus genealogicum de illustribus in Europa familiis, quæ adhuc florent, composuit. Eadem studio incubuerunt Wolfgangus Lazius, Albizius, Reusnerus, Bucelinus, Nicolaus Rittershusius, David Blondellus, de Genealogia Francica contra Job. Jac. Chiffletium, & alii viri clavisimi.

§. 5.

Inter hos, Rittershusii tabulae genealogiae, cum Exegeſi post obitum ejus publicata, laude sua & utilitate defraudandæ non sunt. Qvibus non ita pri-
dem Spicilegium Tubingæ editum ac-
cessit. Sed cum unius viri non sit, o-
mnia, quæ ad hanc doctrinam perti-
nent, absolvere ; alii viri laudatissimi
huic operæ manum etiam admoverunt
suam. Non prolixæ venerandi socii
mei D. Speneri operæ genealogica, quæ
multorum illustrium etiam virorum
manibus teruntur, passimqve allegan-

F 4 tur,

tur, memorabo; non possum non tam
en historiæ Germanicæ cupidis, ejus-
dem *Syllogen Genealogico-historicam*,
cum quatuordecim Tabulis genealogicis
autoris anonymi de præcipuis familiis
hodiernorum Principum Imperii, Tu-
bingæ, impensis Joh. Georg. Cottæ im-
pressis commendare; qvippe qvibus
non nuda schemata stirpium exhiben-
tur, sed observationes simul historicæ
adjiciuntur. Ad hunc modum nuper
nobilissimus vir, *Dn. Jacobus Wilhelmus*
sm Hoff, *Excellentium Familiarum in*
Gallia & Regum Pariumqve Magnæ Bri-
tannia Historiam Genealogicam ador-
nati tatqve publicavit.

§. 6.

In historiæ Byzantinæ lectione, qvoad
genealogiam, usum habet *Caroli du*
Fresne Cangei Historia Byzantina, du-
plici commentario illustrata, in quo-
rum priori, familiæ ac stemmata impe-
ratorum Constantinopolitanorum,
cum eorundem Augustorum numisma-
tibus

tibus & aliquot iconibus exhibentur;
 fol. 359. Osmannidarum, seu Ottomani-
 norum stemma usque ad Sultanum Mu-
 hammed Cham IV. nuper ob infelices
 clades de solio dejectum, in locum
 ejus fratre adhuc superstite evecto.
 Qvem, ut Deus prostrernat, & Augustissimi-
 Imperatoris Leopoldi arma con-
 tra illum expedita, usque & usque felici-
 tia esse jubeat, ex animo precamur.

CAP. VI.

De Vsu philosophiae civilis
in Lectione Historica.

§. I.

CVm Philosophiam civilem in histo-
 riae lectione requirimus, duo de
 vocabulorum hic usurpatorum usu
 prænotanda veniunt: Nempe sermo-
 nem hic nobis *primum* esse non de
 compendiis historicis vulgaribus, in
 qvibus tantum steriles rerum gestarum
 indices habentur; sed de historia pru-
 denter scripta, qvam noviori vocabulo

F 5 *pragmatica*

pragmaticam appellant. *Deinde Philosophiae civilis nomine, scientiam juris naturæ & gentium intelligimus, qvam Cicero præstabilem vocans, consistere ait, in fœderibus, pactionibus, conditionibus populorum, Regum, nationum, denique belli jure & pacis. Cujus juris principia ex sola Philosophia moralis, qvæ vulgo Ethica & Politica audit, peti debere, notissimum est.*

§. 2.

Causa nostræ assertionis ex verbis jam recitatis constare potest. Nam qvid aliud in historia civili describitur, qvam belli & pacis negotia, de qvibus nemo judicare sine civilis Philosophiae ope potest? Hinc *Grotius* in *Epist. ad Maurerium citata*, cum eandem scientiam commendasset, subdit: His ergo disciplinis imbutus bene animus, mirū, qvos deinde ex historiarum lectione fructus sit consequitur. Cognitis enim præceptis, atque ipso genere qvæstionum communibus; facillimum est,

exem-

exempla suis sedibus collocare, sive ad hoc memoria sufficiat, seu brevis annotationis subsidium desideret.

§. 3.

Atque hoc volunt autores, qui ex historia civilem prudentiam vel comparari vel roborari posse affirmant. Nempe, vel exempla singularia, quae in illa occurunt varia, vel axiomata aliquot suppeditant politica, vel regulas politicas mirificè illustrant. Id quod Isaacus Casaubonus in prefat. ad Polybium & H. Conringius libr. de Prud. civili cap. 7. declarant. Exempla actionum, quae in historia occurunt, nos vel de veritate, vel de profunditate dogmatum civilium admonent, erudiuntque. Hinc Tacitus IV. Annal. c. 33. Pauci prudenter, honesta à deterioribus, utilia à noxiis discernunt; plures aliorum eventis docentur. Et Seneca controvers. IV. 25. dicens: Facilius, quid imitandum & quid vitandum sit, docemur exemplo. Exem-

F 6

pla.

pla autem pariunt experientiam, politico certe necessariam.

§. 4.

Pars politicæ doctrinæ non postrema est *de utili*, seu, *qvod expedit reipublicæ*. Qvod historia exemplis facilius, quam suis Politicus regulis, ostendit. Nam illis circumstantiæ & consilii rationes simul exponuntur, qvæ in regulis politicis omittuntur, qvia universales sunt. Historia τὰς ὁρθόστατις, seu prætextus negotiorum, ab αἰτίαις seu veris causis, qvæ ut plurimum tegi solent, discernere docet. confer *Polybium* libr. III. duobus exemplis rem hanc illustrantem.

§. 5.

Vnde colligas, non esse imperitorum adolescentum, historiam cum fructu in vita civili legere. Opus enim judicio, philosophia civili subacto, qvod in paucis admodum adolescentibus reperias; licet vulgaris philosophiæ moralis præcepta recitare norint. Pertinet etiam

huc

huc examen politicum, ut, cum historiam alicujus reipublicæ legeris, statuta ejus, leges, vires, mores & genium æstimare noris. Vbi sane practico judicio opus est, ut ad rationes politicas omnia exigantur, verusque adeo historiæ fructus percipiatur. Exemplum in Repl. Romana memorabile suppeditat Tacitus Annal. lib. I. c. II. & IV. 6. 33. Qvod nemo, nisi civili prudentia imbutus, rectè intelliget.

CAP. VII.

De Ordine in Lectione Historiæ servando.

§. I.

AD partes historiæ speciales descendendum est. Ubi prima pars sit historia Ebræorum, ab Orbe condito, usque ad excidium Hierosolymitanum, quam Sulpitius Severus breviter exhibet. Altera Assyriorum, Medorum, Persarum & Græcorum: ubi *Justini Epitome*

F 7

ex

ex Trogo Pompejo collecta maxime proferit. *Tertia pars histeria Romana erit*, qvam ex *Floro secundum* quatuor ætates reipubl. Romanæ, & *Aurelio Victore* discere licet. Inde progressendum ad alios, qvi res Cæsarum usque ad finem imperii Romani, h. e. ad Augustulum Momyllum plenius descripsere. Hinc *Quarta pars seqvitur*, qvæ divisum imperium, h. e. orientale a Constantino M. ad captam Constantinopolin; & occidentale, tum ante Carolum M. tum post ejus ætatem describit. Ulbi *Chronicon Carionis* à Melanchthon & Peucero auctum legisse tironi sufficit. Historiam vero Constantinopolitanam Turcicam, *Besoldus* tradidit in compendio. Byzantinæ Historiæ scriptores evolvere non est tironis, sed viri jam in his literis exercitati & otio abundantis.

§. 2.

Hinc ad historiam patriæ, & res, qvæ avorum & patrum nostrorum tempore
con-

contigere, pergendum est. Ubi de historia Germanica veteri primum, *Cluverii Germaniam Antiquam*, Rhenani libros de reb. German. Eginhardum de Carolo M. *Chronicon Spirensse Lekmani*, Aventini *Annales Bojorum*, cum *Mutii*, *Irenici* & *Velseni* operibus historicis, nec non, qvod conversionem rerum superioris ævi attinet, *Sleidani* commentarios in primis consulere oportet. Majoris historiæ Germanicæ Scriptores, qvos *Pistorius*, *Freherus*, *Ursilius*, *Goldastus*, *Reuberus*, *Schardius*, & *Meinhomius* collegerunt, perlustrare professam viri eruditæ operam exposcit. Deinde ad aliarum gentium historias veniendum est; ita, ut in quavis gente unus aliquis eligatur: ut in Gothicis, *Jornandes*; in Longobardicis *Paulus Diaconus*; in Slavicis, *Helmoldus*; in Saxonici & Vandalicis, *Cranzius*; in Danicis *Saxo Grammaticus* vel *Pontanus*; in Francicis, *Paulus Æmilius*, vel qui inter recentissimos est, *Bussierus*;

in

in Hispanicis *Marianna*; in Hungaricis *Bonfinius*; in Bohemicis *Dubruvius*; in Scoticis *Buchananus*; in Anglicis *Cambdenus*; in Austriacis *Lazius*; in Bojoaricis *Aventinus*; in Polonicis *Cromerus*; in Misnicis *Fabricius & Albinus*; in Belgicis *Meierus & Grotius*; atque ita in aliis. Multa etiam Chronica particularia tum veterum, tum recentiorum scriptorum excusa prostant, quibus particularis gentis aut urbis historia describitur. Qui itaque plenam gentis aliquujus historiam noscere avet, plures consulere scriptores necessum habet. Conferre hic licebit *Marquardi Freheri directorium* in omnes fere, quos superstites habemus, chronologos, Anna- lium scriptores & historicos potissimum Romani Germanicique imperii, quod *Dn. Rachelius sua introduct. ad jus Publ.*, pag. 113. seqq. inseruit. Plures indicat *Job. Bodinus Meth. Hist. c. X.* quem catalogum historicorum *Philip- pus Glaserus* in *Syngrammate Historiae Theo-*

Theoret. part. V. recognovit & complu-
rium scriptorū accessione locupletavit.

§. 3.

In *historia Ecclesiastica*, qvæ civili
plane innexa est, ut in tractatione divel-
li neqveat, incipiendum a rebus Ebræo-
rum V. Tto perscriptis, qvas *Sulpicius
Severus* compendio constrinxit. Inde
vita Christi & Apostolorum ex N. Tto
& Actis Apostolicis cognoscenda, qvam
idem *Sulpicius Severus* summatim com-
prehendit, qvi res Ecclesiæ ad seculum
a Christo nato IVtum perduxit. Cui ad-
di potest *D. Pappi*, & *Gothana Historia
Ecclesiastica*. Pleniorē ejus notitiam
suppeditabunt, qvi hanc partem histo-
riæ pene perficiunt, *Josephus in Antiqui-
tatis suis*, & ex Christianis, florente
jam Ecclesia, *Eusebius Pamphili*, *Socra-
tes*, *Theodoreetus*, *Sozomenus Salaminius*,
Evagrius, *Theophylactus Simocatta*, *Ni-
cephorus* & alii, qvos *Degoreus Whear*,
in *Meth. legendi Hist. Sect. XXXII. seqq.*
adducit. Plures in *Collegio nostro Hist.
Eccle-*

Ecclesiast. alio tempore, juxta seculorum seriem indicavimus.

§. 4.

Post comparatam veteris historiæ notitiam, superioris & jam decurrentis ævi scriptores evolvendi sunt. Quid enim turpius literato, nescire, qvæ vulgo in triviis cognita sunt, & in conviviis ac circulis narrari solent. Præsertim cum his duobus seculis, tanta rerum, qvæ ad religionem & rempublicam pertinent, conversio facta sit, qvanta īnde a Constantini M. temporibus facta haud fuerat. Hæc vero partim ex compendiis & Chronologiis, ut sunt *Calvifii*, *Petavii*, *Boxhornii*; partim vero fusiū & plenius, e *Sleidano*, *Thuano* & *Pufendorfio* discere licebit.

§. 5.

Cum historia Romana in omnibus scholis præcipue tractari solet, non abs re fuerit hic *Caroli Sigonii ordinem Historiæ Romanæ*, qvem designat, ut a quo-

qve

DE ORD. IN LECT. HIST. &c. 139

que scriptore per temporum seriem pe-
tenda est, annexere.

(I.) Qvi res ante Reges in Italia &
sub Regibus Romæ gestas, per an-
nos 244. scripsere:

Dionysius Halicarnassus libr. 4.

T. Livius l. 1.

L. Florus l. 1.

P. Vellejus Paterculus l. 1.

Flavius Eutropius l. 1.

Plutarchus, in Romuli, Numæ, & Poplî-
colæ vitis.

Plinius de viris illustribus.

Paulus Orosius l. 1.

Joh. Zonaras tom. 2.

Solinus c. 1. & 2. Polyhistoris.

(II.) Ab exactis Regibus ad Leges
XII. Tabb. 58. annis, qvæ con-
scribi coeptæ sunt A. U. C. 303.

Dionysius l. 5. 6. 7. 8. 9. & 10.

T. Livius l. 2.

L. Florus l. 1.

Eutropius l. 1.

Plutarchus in Pyrrhi, Marcelli & Fabii
Maximi vitis.

Pli-

Plinius de viris illustribus.

P. Orosius l. 2.

Sextus Rufus.

Jo. Zonaras tom. 1.

Diodorus Siculus nonnihil libris 11. & 12.

(III.) AXII. Tabb. ad bellum Tarentinum & Regis Pyrrhi, qvi A.U.C. 474. in Italiam venit, annis 171.

Dionysius paucalibris 10. & 11.

T. Livius a libro 4. ad 10.

Epitome Livii l. 11. & 12.

Florus l. 1.

Eutropius l. 1. & 2.

Plutarchus in Camilli vita.

Plinius de viris illustribus.

P. Orosius l. 2. & 3.

Sex. Rufus.

Jo. Zonaras tom. 2.

(IV.) A Pyrrho ad primum bellum Punicum, qvod coëptum est A.U.C. 435. annis 62.

Polybius l. 1. & 2.

Epitome a libr. 1. ad 20.

Florus l. 1. & 2.

Plu-

DE ORD. IN LECT. HIST. &c. 141

Plutarchus in Camilli vita.

Plinius de viris illustribus.

Paulus Orosius l. 2. & 3.

Sex. Rufus.

Jo. Zonaras, tom. 2.

(V.) A Pyrrho ad secundum bellum

Punicum , qvod cœptum est

A. U. C. 535. annis 62.

Polybius l. 1. & 2.

Epitome a libr. 13. ad 20.

Florus l. 2.

Eutropius l. 2.

Plutarchus in Pyrrhi , Marcolli & Fabie
vitis.

Plinius de viris illustr.

P. Orosius l. 4.

Sex. Rufus.

J. Zonaras tom. 2.

(VI.) A Bello Punico secundo usque

ad tertium, qvod fuit A. U. C. 605.

annis 70.

Livius a libr. 20. ad 40.

Polybius libr. 3.4.5.6. & fragmentis reli-
quorum.

Eutro-

Eutropius l. 2. 3. 4.

Silius Italicus l. 8.

*Plutarchus in Fabii, Marcelli, Catonis
Majoris, P. Æmilius & Flaminii vitis.*

Plinius de viris illustr.

Æmilius Probus in Annibal's vita.

Appianus in Syriac.

Paterculus l. 1.

P. Orosius l. 4.

Sex. Rufus.

Jo. Zonaras t. 2.

(VII.) A bello Punico tertio ad Cæ-
sarem dictatorem, qui fuit A.U.C.
706. annis 100.

Florus l. 2. & 3.

*Appianus in Lybico, Iberico, Mithrida-
tico, & 1. & 2. bellorum civilium.*

Eutropius l. 4. 5. & 6.

*Plutarchus in Marii, Sertorii, Pompeji,
Luculli, Crassi, Cæsaris, Ciceronis, Ca-
tonis, M. Antonii & Brutii vitis.*

Dio l. 37. 38. 39. 40.

Suetonius in Cæsar's vita.

Lucanus.

Cæsar's

L
DE ORD. IN LECT. HIST. &c. 143

Cæsaris commentarii.

Paterculus l. 1. & 2.

Plinius de viris illustribus.

P. Orosius l. 4. 5. 6.

Jo. Zonaras tom. 2.

(VIII.) A Cæsare dictatore ad obitum Augusti, qui fuit A.U.C. 761.
annis 62.

Dio, a libr. 40. ad 56.

Svetonius in Cæsaris & Augusti vitis.

Appianus l. 2. 3. 4. 5. bellar. civilium &
in Parthico.

Vellejus Paterculus l. 2.

Cæsaris Commentarii de B. civili cum
Hirtio.

Florus l. 3. 4.

Plutarchus in Cæsaris, Ciceronis, Antonii,
Bruti & Catonis vitis.

Eutropius l. 6. & 7.

Cornelius Nepos in Attici vita.

Tacitus initio libr. 1. Ann.

P. Orosius l. 1.

Sex. Rufus.

Sex. Aurelius Victor.

Zona-

Zonaras tom. 2.

Zosimus historiar. l. 1.

Josephus libr. Antiq. 14. 15. 16. 17.

(IX.) *Ab obitu Augusti ad Domitiani necem, qvi fuit A. U. C. 849. annis 82.*

Dio, libr. 57. & 58.

Jo. Xiphilinus in Epitome Dionis.

Tacitus.

Svetonius in reliquis X. impp. vitis.

Eutropius l. 7.

Sex. Aurelius Victor.

Sex. Rufus.

Zosimus l. 1.

P. Orosius l. 7.

Zonaras tom. 2.

Josephus libr. 17. 18. Antiquit. & libr. 7. de bello judaico.

(X.) *A Nervæ principatu ad Constantini M. imperium, qvod fuit A. U. C. 1058. annis 210.*

Eutropius l. 8. & 9.

Sex. Aurelius Victor.

Sex. Rufus.

Xiphi-

Xiphilinus in Epitome Dionis.

P. Orosius l. 2.

L. Ælius Spartianus.

Julius Capitolinus.

L. Ælius Lampridius.

Herodianus Alexandrinus.

Vulcatius Gallicanus.

Trebellius Pollio.

Flavius Vopiscus.

(XI.) A Constantino M. ad Justiniani
imper. obitum, qui fuit A. Chr. 459.

A. U. C. 1317. annis 261.

Eutropius l. 20.

Eusebius Cæsariensis in vita Constant. M.

l. 4.

P. Orosius l. 7.

Sex. Aurelius Victor.

Sex. Rufus.

Ammiani Marcellini libri posteriores 18.

Zosimus, a libr. 2. ad 6.

Paulus Diaconus ab 11. ad 28.

Socrates in Hist. Eccles. libr. 6.

Evagrius Scholasticus in Hist. Eccl. l. 6.

Historia Tripartita.

G

Jor-

Jornandes Gothus in chronicis.

*S. Hieronymi chronica Eusebio adjecta.
Prospere in chronicis.*

Procopius l. 7.

Agathius Scholasticus l. 5.

*Anastasius S.R.E. bibliothecarius in vitis
Pontificum R. & Hist. Eccles.*

Theophanes Iaurus.

Nicephorus Calistus in Hist. Ecclesiast.

(XII.) A Justiniano Imp. dinceps.

Evagrius Scholasticus.

P. Diaconus.

Beda Anglus.

*Anastasius Bibliothec. in vitis R. Pontif.
& histor. Eccles.*

Zonaras tom. 3.

* *His junge ipsius Caroli Sigonii Historia-
rum de Regno Italiae libr. XV.*

Accuratiorem ordinem historiæ, quæ
ad Romanum, Romanumqve imperium
pertinent, legendæ, Petrus Angelius Bar-
gæus, peculiari libello designavit, qvem
ex biblioteca Johannis Antonide van
der Linden, Medicinæ apud Batavos
Pro-

professoris, editor *Dissertationum de studiis instituendis*, Amstelodami apud Ludovicum Elzevirium anno 1645. impressarum, pag. 609. seqq. publicavit. Nam in partiendis temporibus quasiæque disssecandis, tanquam in membra & frustra quædam, autoribus Romanis, ad superstitionem usque diligens & accuratus fuit.

CAP. VIII.

De Usu Historiæ.

§. I.

ET hæc de Ordine. jam de *Vsu Historiæ* pauca annotabimus. Primum Ecclesiasticæ historiæ bonum est, qvod speculum sit divinæ providentiaæ, qva Ecclesiam non tantum plantavit, sed & propagavit & adversus tyrannorum ac hæreticorum molitiones conservavit. Id qvod Christianum in Evangelii veritate mire confirmat. Hic Augustinus in libr. de Civit. DEI, & P. Orosius, in hist. evolvi merentur. Dein-

G. 2

de

de Evangelicæ doctrinæ propagatio,
defensio, impugnatio per hæreticos,
origo hæresium & rituum variorum,
eorumqve causæ, conciliorum cano-
nes & decreta cognoscuntur: Item
Ecclesiæ antiquæ gubernatio, discipli-
na, ejus mutatio, Papatus Romani ori-
go, ut adoleverit, ut incrementa su-
mens ad fastigium pervenerit, tan-
demqve decreverit. In hac parte
Centuriatores Magdeburgici operam
utilem insumerunt. Qvos Baronius
in *Annalibus suis*, magno, sed vano
molimine refellere ausus est. v. *Is. Ca-*
sauboni Exercit. Anti-Baronian. præfat.
Præterea ad doctrinam Evangelicam
stabiendi multa suggerit argumen-
ta, si Patres primorum, (inprimis ter-
tii, quarti & quinti) seculorum a Christo
nato, evolvantur. Inde enim vi-
dere licet, quid in controversiis religi-
onis doctiores & meliores senserint:
Item, quid in conciliis & synodis di-
versis actum aut decretum fuerit.

Qvin

Qvin ad vitæ sanctitatem & constantiæ laudem, veterum Christianorum mo- res sancti, martyrumqve exempla in historia memorata pios excitare atqve confirmare possunt. Hunc usum in gratiam studiosæ juventutis D. Christia- nus Matthias, in *Theatro Historico-Theoretico-Practico*, diligenter annota- vit.

§. 2.

Deinde *Historiæ civilis* usus, cum in politica, tum Christiana vita elucet. Etenim illa dum gentium origines & regnorum conversiones & fata enarrat, simul providentiam Dei, sine qua hæc non eveniunt, pandit. Qvoties enim Deo visum est, imperia de gente in gentem transferre, excitavit vel Cy- rum aliquem, vel Alexandrum M. vel Cæsarem, vel Carolum M. Qvoties ty- rannos punire voluit, illud Claudiani confirmatum est:

- . - - Tolluntur in altum,
Vt lapsu graviore ruant.

G 3

Imo

Imo, si utcunqve diu etiam floruerunt improbi; postea tamen pœnæ tarditas pensata magnitudine, liberos ac nepotes involvit. Qvam varia & multiplex historiæ utilitas sit in politica prudentia colligenda, augenda, multi jam ante nos probarunt. Nam in rebus dubiis consilia, in adversis constantiam, in prosperis animi moderacionem docet. vid. *Is. Casauboni præfationem illustrem in Polybium.* Imprimis vero historia Romana magnum in studio juris Romani usum præstat. Id, qvod emnes, qvi in Pandectas commentarios confecere, fatebuntur. Qvibus illustrandis *Antiquitates Rom. Rosini cum Demsteri Annotation. l. VII. IIX. IX.* inserviunt.

§. 3.

Notandum tamen alium usum ex historia qværere *philologum*; alium *politicum*. Hic, cum prudentiam civilem sibi proponat, caussas & consilia rerum gestarum attendit, & in modo etiam,

iam , qvo negotia gesta sunt , omnia
minuatim considerat, ut prudentiæ re-
gulas inde exstruat vitæ utiles ; Ille ve-
rò (Philologus) partim dictionem,
partim mores gentium , partim even-
tus rerum annotat, qvod ipsi satis est.
Heic laudati Wheari libelli citati pars
tertia, de usu historicæ lectionis , consu-
li potest ; vel qvi illo in historia Roma-
na versatior est , J. Lipsius, in Episto-
la ad Nicolaum Hacqvevillium, de rati-
one legendi historiam , qvam hic insere-
re non abs re fuerit. Ita vero ha-
bet :

(v. Lips. Epistol. select. cent. tert. misc.
epist. 61. Antwerp. edit. p. 62. seqq.)

Ad Historiam cum dare te cœpisti,
fateris hærere in prima via & confusio-
ne Rerum aut Temporum , ignorantia
eorum , qvæ & qvando legenda, aut eli-
genda sint , pedem figere ; Imo tædio,
aut desperatione pñne referre. Non
fiat, mi Hacqveilli ; opem imploras,
pro copia mea dabo : & si non plene

G 4 du-

ductor (Occupatio & valetudo nunē abnuunt;) tamen director ero, & digitum intendam, qvo, & qva contendas.

Historia nobis proposita: qvæ & cūjusmodi? nam variat: & summa ejus divisio est, *Mythistoria* & *Historia*. Illa, qvæ fabulas vero mixtas; ista qvæ purum & merum verum habet. In illa poëtæ sunt, & id genus: qvi oblectamenta auribus animisqve qvarunt, & florida ista veste ornant & augent corpus hoc veritatis, veteres Poëtæ, & rex eorum Homerus, pulchre & sāpe utiliter fecerunt: cum arcanos sensus aut altiora dogmata, hoc quasi velo obnubunt & tegunt. Sed hanc partem mittamus, non nunc adeundam: altera est vera *Historia*: qvam licet, bifariam partiare. Est *Naturalis*, est *Narrativa*: sit venia sic loquenti, plane, si non pure. Illa est, qvæ Naturæ faciem & facta revelat; id est rerum, stirpium, animalium ingenia, proprietates,

tates, vires tradit. Aristoteles, Theophrastus, Ælianuſ, Pliniuſ fecere: & plures, qvōs ævum nobis subduxit.

Narrativam dico, qvæ res gestas actionesqve prodit, sacras ſive profanas. Ideoqve a dupli ci hac materie, iterum duplex, *Divina & Humana*. Illa, qvæ Religionem, aut qvod adhæret, tangit: hæc, qvæ res plurimum actionesqve humanas. Iterumqve ea duplex, *Privata & Publica*. Nam aut singularium res, vitam, virtutes, vitia recenſet: & *Privata* eſt: Aut qvæ publice, plurim uſui aut noxæ, ſunt geſta: & *Publicam* appello.

Omnes utiles. Proprie tamen & diſtincte, *Naturalis* ſcientiam, *Divina* religionem, *Humana* prudentiam, omnes delectationem habent. Ad quas autem Te voco? Velim ad omnes ire, ſed in tempore.

Naturalem nunc ſeponamus: *Narrativam* ingero, qvam vulgo & peculiari

ariter Historiam etiam appellamus. Ad hanc priusquam venias, duo præmitenda sunt, *Geographia & Chronologia*. Illa, ut locoruim, regionum, urbium notitiam aliquam concilie; hæc, ut temporum, qvibus qvæque res gestæ. Sed communem duntaxat, & non illam exactam notitiam exigo: satis sit, mundi partes situsque distingvere; provincias, & in iis flumina, montes, oppida clariora novisse. In temporibus etiam seriem eorum & ordinem tene-re, & velut terminis qvibusdam finire Imperia, bella, eventus. Velim equidem, & tacitus sæpe opto, imo ipse meditor, esse; qui breviter & compendio, & qvod caput est, judicio, ab Orbe condito velut fastos concinnet; nec aliud qvam annos, & præcipua rerum, notet ac libet. Qui haecenus fecere, aut confundunt nimis, aut diffundunt: & nec notabilia, aut laudabilia tamen maxime excerptunt. Sed hoc dum siat, potes Eusebio uti, & novellis qvi-bus-

busdam, qvi heri & nuper prodierunt.
Atqve ista cum paravim⁹, age ad ipsam
jam Historiam: & qvam præmittimus?
pietas velut *Divinam*. Facilis ea est,
nec diu tenebit. *Judaica* vetus est, e
libris Sacris, Josepho, & ejus inter-
prete Hegesippo petenda: nostra hæc
nova, id est *Christianæ*, olim ex Euse-
bio, Sozomeno, pluribus; nunc ex u-
no Cæsare Baronio adfatum haurie-
tur: & qvid in diligentia viri tanta de-
est? Imo ut supersit, vereor: iis uti-
que, qvi ex professo Theologos non
agunt, & sufficit universe initia, pro-
gressum, dissidia, capita & antistites
Religionis nostræ scire. Non abnuo:
compendium bonum exactissimi illius
laboris sit, non sit fortasse bono aucto-
ris. Est & *Miscella* religionis Histo-
ria: ut Mahumetanæ, qvæ magnam
orbis partem, a multis jam seculis,
obtinet; ut Sinensium, Indorum, &
qvi alii vanam & simulacris servam eam
habent. Hæc quoqve carptim, qvis
neget

G 6

neget viro politico & experienti libanda esse? Sed, ut dixi, carptim. *Hu-*
mana superest: illa præcipua, quod te
voco. Præter prudentiam, & rerum
peritiam,

Hæc tibi virtutum stimulos, hæc se-
 mina laudum,

Hæc exempla dabit;
 alibi uberioris laudata, & laudanda, nunc
 præunda. Duplicem eam feci, *Pri-*
vatam, & Publicam. Ab utra ordie-
nur? A publica ego censeo: & hæc,
ordinis doctrinæque causa, quadru-
plex iterum esto. Valde, inqvis, di-
vidis. Fateor; nec animi, vel argu-
tiarum causa: sed quia usu didici, ni-
hil ad methodum, id est viam ratio-
nemque docendi vel discendi, aptius
& efficacius esse. Itaque Socratem se-
qvor, divisioni amicum: & cum illo,
divinum virum habeo, qui commode
& opportune utetur. Sed ad rem; qua-
druplex hæc Historia: Orientalis, Gra-
ca, Romana, Barbara.

Prima,

Prima, qvæ primi aut prisci orbis res habet: cum nostra hæc omnia inculta, aut infrequentia & certe obscura & ignota. Itaque in Judæis, Ægyptiis, Æthiopibus, Syris, Persis, reliqua Asia, res fere & nobiliores eventus tunc sistunt: aut si quid admixtum, leve est, nec scriptione aut lectione dividendum. Hanc primo nosci svadet: & peti a Justino breviter: uberius deinde ab Herodoto, Diodoro Siculo, & si qvi Græcorum eam suis miscent. Quædam enim Polybius, Plutarchus, Zonaras, alii suggerent, huc apponenda. Sed Diodorum ego laudo & approbo: utinam plenum; &, ut scripsit, absolutum.

Alteræ est, Græca; in qua Spartanorum, Atheniensium, Thebanorum, & præcipue Macedonum res sunt: qvos huc traho, & includo. Præter jam dictos dabunt Thucydides, Plutarchus, Arrianus, & Q. Curtius e Latinis: Per partes colligenda est; nam qvito-

G 7 tam

tam & ordine scripserit, totus ad nos non venit.

Tertia, Romana est: in qva uber-
tim rerum & eventuum, eorumque in-
signium, &, quæ plures Scriptores il-
lustrarunt. Omagnum, o pulchrum
Imperium! & addo, diuturnum. Ideo-
que non mirum, si viris factisqve bre-
via illa & fugacia Græcorum superavit.
Græci præceptis valent (ait qvispiam)
Romani exemplis. Et hercule, ita est.
Non fuit gens, puto non erit, qvæ plu-
ra vel in militia, vel in pace, laudis &
virtutis suppeditabit. Itaqve ad hanc,
mi adolescens, ad hanc segetem veni,
manipulos frugum collige, & in usum
tuum reconde. Sed ut ordine fiat, ea
ipsa dividatur trifariam: in Veterem,
Mediam, Novam. Prima mihi est, a
regibus & urbe condita, ad Augustum:
Media, cum immutato statu ad Princi-
pes ventum: Nova, cum iterum muta-
to, sedes ipsa principatus Byzantium
est translata. In Veteri Scriptores
Græci

Græci Latiniqve sunt, sed præcipui isti:
Dionysius Halicarnasseus, T. Livius,
Polybius, Plutarchus, Appianus: qui-
bus compendia adjungere liceat, *Velleji,*
Flori, Eutropii, Orosii, Vellejorum lau-
dabile fuit; sed potior pars periit: ju-
dicio & ordine tamen scriptum, &
qvod exemplar pleniori Chronologiæ
fit ad imitandum. Faciant huic parti
Fasti Romani a Carolo Sigonio editi &
producti ad Augustum. At in Media,
noster Tacitus, Sveronius, Ammianus,
Spartianus & adjuncti Cæsarei Scriptor-
res: e Græcis autem, Dio Cassius, Jo-
Zonaras, Herodianus, legendi: tum &
compendium P. Victoris, itemqve Eu-
tropii. Adde ad seriem temporum,
imo & rerum lucem, Onufrii Panvinii
Fastos, ab Augusto ad Justinianum dili-
genter & industrie consignatos. Nova
superest: & in ea fere Græci isti, Zona-
ras, Zosimus, Procopius, Agathias, Ni-
cetas Choniates, Nicephorus Gregoras,
Michaël Glycas, Georgius Cedrenus:

etsi

etsi hic ultimus qvidem, anilium saepe fabellarum scriptor, & veri incuriosus vel ignarus; Judicio legatur tamen, dabit qvod juvet.

De *Romana* habes: qvarta erat *Barbarica*: qvid nisi lacinia & spolium ab illa veste? Nam hanc appello & intelligo, cum scisso fractoqve Imperio, major pars ad *Gallos*, *Germanos*, *Turcas* ivit, & alternatim hucusqve mansit. Nec enim *Gothos*, *Hunno*s, *Vandalos*, *Scythas*, aut illam faciem huc includo; qvæ maneat in *Media* aut *Nova Roma*na, & iis inserta nempe legetur. Faciunt huc proprie tamen *Jornandes*, *Procopius*, *Agathias*, & si qvi tales. Sed meam hanc *Barbaricam* varii scripsere, atqve ipsi ferè barbari, & adam barbare: extantqve *Germanici*, *Gallici*, *Britannici* Scriptores, in unum corpus nuper decore & utiliter conducti ac vulgati. Sunt & *Anales a P. Pythao* editi; & cottidie hujuscce argumenti prodeunt, judicio eligendi.

Scripto

Judice

inclusio

ni & lati

nino Cle

Turcicis

si clement

facing

Hen

qva sy

re & e

quindic

dicens

opus

aut

pletis

equi

inali

quo

& u

Ap

um

dors

exp

Scripsit & Carolus Sigenius de Regno Italæ, qvod huc facit: & Johann. Leonclavius, Turcica; uterque mihi bonus & laudatus. Quid omitto? Lao-nicus Chalcoondylas se suggerit, in Turcicis Græcisque legendus; item Gvi-lielmus Tyrius, & alii in transmarinis sacrisqve bellis.

Hem, inqvies, qvanta materia, & qvæ sylva? qvis ingredietur sine errore & egredietur? Qui ordine insistet, qvi industriam & curam adferet, jam dicenda. Ordine, inqvam, inprimis opus; & ne confusa & vaga lectio sit, aut desultoria & interrupta. Hoc plerisqve evenit; & velut ex eqvo in eqvum se trajiciunt, ab hoc scriptore in aliud, ab isto argumento in illud: qvo fructu? momentaneæ voluptatis, & ut tempus suum, imo & se, fallant. Apage tales istos, & ad Amadeum suum, aut si altius assurgere velint, Heliodorum eant. Tu ordine leges: qvem ex ipsis a me dictis, et si potes instituere; tamen

tamen in exemplo dabo. Ecce Romanam Veterem legere decrevi: ordinar ab universali aliquva notitia, & Compendium Flori, aut Eutropii præmittam. Tum a capite, & ab ipso Livio: cui Dionysium adjungam, & Polybium, Plutarchum, aut Appianum: sed quemque in consimili argumento. Cum peregero, ad Medium Novamque veniam, & constantia eadem peragrabo. Et de Ordine facile est, atque animantium decreto opus: Cura plus habet operæ, & in ea omnis est legentium fructus. Duo in hac specto, sive exigo: Attentionem & Electionem. Cum legis non suspensum aut attonitum te habeat tantum novitas aut magnitudo eventuum: insiste, inquire, cui rei hoc facere possit, & ecquem usum sui præbere. Mora hic aliquva inter legendum & tarditas, fateor: sed nimis, dicto veteri; Nulla res potest esse eadem, festinata simul & examinata: nec esse quidquam omnium, quod habeat laudem.

dem diligentia, simul & gratiam celeritatis. Tarda igitur, & qvære. Cum repperisti, tum sit *Electio*: id est, ut stilum capias, & excerptas, & velut annonam in horrea qvædam reponas. Ea distincta etiam sint, & jam ante libri parati, meo judicio, quatuor; in qvos, qvidqvad eligis, conferas, & tuto deponas. Nam memoriæ suæ qui credit tantum: qvid agit? non dicam nihil, sed in breve, proficit; nec ulla ea tam vasta, capax, tenax est, qvæ varia ista cum fide asservet & reddat. Trade libris: in qvo labor aliquis, & iterum in legendō remora: sed, mihi crede, utilis, si qvidqvam in omni ratione studiorum. Libri isti qvattuor totidem titulos habeant rerum, qvos præcipue in Historiis notes: *Memorabilem, Ritualium, Civilium, Moralium.*

Quid Memorabilia? Res designo magnas, & cum admiratione aut motu legendas, sive audiendas: ut est notabilis potentia alicujus Regis aut populi,

Ope-

Opera, vel Opes, prodigia, & novi aut insoliti eventus. Uno verbo, quidqvid non obvium, & magnitudine vel raritate se commendat.

Ritualia autem, qvæ pertinent ad instituta ritusqve veteres, sive qvos in publico, sive in privato usurpabant. Alios enim istos *Orientales, Græci, Romanique* habuerunt; & ab ea notitia, seria omnis intelligentia dependet veterum scriptorum.

At *Civilia* appello, qvæ ad vitam & regimen eommune faciunt, & hanc hominum jure & legibus devinctam Societatem.

Moralia deniqve, ea qvæ privatim ad nos & vitam formandam, virtutibus amicam, vitiis alienam.

Ecce qvattuor hi sunt tituli: qvid supereft? Referre in eos, qvidqvid ad singulos illos facit, sive *Sententiarum*, sive *exemplorum*: idqve cum hac attentionis cura, & judicii item norma. Dic clarius, inqvię. Nempe qvis qvę

que liber alios & minores suos titulos
habeat: quia natura & memoria ordi-
ne & partitione ista gaudent. Ut, il-
le *Memorabilium*, in ea qvæ attigi: nec
minus sane argumentum hoc patet la-
tissime *Ritualium*; ac dividamus in
Sacra & *Profana*. *Sacra* omnia publi-
ca: continentqve Deos, & eorum No-
mina, item Cognomina: tum *Insignia*,
Munia, *Cultum*, & *Templa*. Ampli-
us, *Sacerdotes*, aliosqve Ministros:
tum *Sacrificia* ipsa, *Hostias*, *Ceremo-
nias* & *Ritus*: deniqve, *Verba Solen-
nia* & formulas precationum, & qvic-
quid illos, aut ista spectat. Nimis
partiri, tenue est, & hic inutile; sper-
nes. Jam *profana* seqvuntur: atqve
ea duplia, *Publica*, & *privata*. Illa,
qvæ communiter omnes aut plures tan-
gunt, & publicis legibus aut Institutis
continentur: ut *Magistratus*, & singu-
lorum *Munia*, aut *Ornamenta*: ut *Se-
natus*, *Militia*, *Provinciæ*; *prefecturæ*,
officia, & qvidquid istis adhæret: tum
Leges,

Leges, *Judicia*, & eorum ratio, *Supplicia*, *Tormenta*, *Pænae*: lætiora denique, *Ludi* & *Spectacula*; *Triumphi* & *Festidies*. Ad *Privata* venio, & iis sub-jungo *Nuptias*, *Funera*, *Balnea*, *Convivia*, *Vestes*, *Nummos*, & qvæ longum sit complecti. Minuta enim etiam intercurrunt: sed in sermone offendendo potius, qvam Scripto adumbranda. Imo adeo minuta, ut nec titulos suos grandiores qvædam habent; sed verbis signentur, & ordine isto literarum. Ac si me audis, in plerisque eo utaris: qvia non ad famam aut pompam ista disponuntur, sed tui usum. Seqvuntur & excipiunt *Civilia*: utilissima pars iis, qvos genus aut destinatio ad Rempublicam vocant. Is liber tres partes habeat, antiqua & verissima divisione: *Status Regum*, *Optimatum*, *Populi*. In qvaqve parte notes & eo referas, qvæ *Firmandæ* sint, aut *Vertendæ*: & hæc ipsa subtilius di-vidas, ut a me in *Politicis* factum. Utar hoc

hoc exemplo cum fiducia: & conve-
niant vel qui nova adferunt, aut vetera
referunt, non dabunt in Ordine &
Methodo, qvod fortasse anteponas.
Sed unum etiam addi potest & debet:
velut *Sententiae* plures uni rei conge-
rantur: velut *Exempla*. Hanc postre-
mam partem non neglexi eqvidem, &
habeo sepositam imo paratam in scri-
niis, & avidam exire. Sed tu, aut aliis,
non ideo remitte: & quisque sibi,
vel firmius, vel jucundius certe, tale a-
liqvid struit. Postrema sunt *Mora-
lia*: qvorum duæ partes, *Virtutum* &
Vitiorum. Velim & hæc disponi ordi-
ne literarum: sed ita, ut *Virtute* præ-
eunte, cuique bina sua *Vitia* sint sub-
juncta. Traho eodem etiam non Vi-
tia proprie, sed *Affectus*: & *Cupidi-
num* stirpes, *Spem*, *Metum*, *Gaudium*,
Dolorem adnecto: tum etiam de *Beata
Vita*, & qvicqvid in Ethicis sedem suam
habet. Sed satis hæc communia in
Scripto præivi: in Sermone alia: il-
lud

Iud in fine te sedulo moneo, ut nemo
le hac, qvæ videtur, absterreare. Quid
enim? tam varia, tam multa? inqvis.
Nihil est: imo incredibile, qvam cito
hæc suspiciantur, & fiant, si tenor &
constantia sit, & qvisqve dies opus su-
um probet, triennii res, non diu te
differo: mihi si olim talis monitor, vel
citius absolvissim. Cogita te in ipso
flore ævi, & 'corpus labori, animum
intentioni ferendæ esse; qvid cessa-
mus,

*Dum res, & aetas, & Sororum
Fila trium patiuntur atra?*

Non fac, mi Adolescens: cui ego fa-
ctum consultumque tua causa volo, tum
& Clarissimi V. Legati Regii: qui etsi
connubio tantum tibi parens, tamen
vel naturalem affectu & cura præstat.
Tu agnosce, illum cole, me & bona
ama. Lovanii, III. Non. Decembr.
M. DC.

§. 4.

*Historia naturalis usum Physici &
Medici*

Medici maxime deprehendunt, cum de rerum naturalium caussis & effectis agunt. *Litterariæ* vero utilitas in indagandis sectarum philosophicarum, artium & scientiarum qvarumvis originibus & progressu elucet: ita, ut absque illa nemo de sectis philosophorum seu antiquorum seu recentium diversis recte judicare queat. Multum etiam confert ad eruditionem solidam comparandam, dum scriptores melioris notæ in qvavis arte & scientia indicat. confer Petri Lambecit *Prodrom. Hist. Litterariæ* & alios. Partem hujus sane eximiam *Morhofius* in toties laudato Polyhistore exhibet. DEus virum sospitet, ut qvarum spem partium orbi eruditio fecit, feliciter mox absolvat.

H

SE-